

黔陽縣志卷之二十

兵防二

張公撫猺紀畧陳五典作

湖之南北苗猺雜處黔邑無苗附近黔

界者為羅翁山猺羅翁其山八面七面向湖之南屬

武岡界上一面向北則黔邑之東南界上也其猺有

四一住梓木駝則沈龍宇沈勝宇也其父沈懷山先

住龍岡山在羅翁西今徙住此一住照面山則克紹

宇也此二猺最悍鷙族衆而力強一住木古界在羅

翁東則風亞六也性頗馴謹一住藍家峒則狗榮山

黔陽縣志

卷之二十

兵防

十二

龍標藏板

丁亞種辰亞柳也而榮山最狡而黠康熙五年三月

武岡之白茅隴邵淑之麻塘山城步之石灰寨各猺

互相煽惑聚衆數萬據險稱兵而羅翁山克沈等猺

以有武岡郝溪之釁五月內聚衆出掠武岡之白樵

宗溪寶窰大坪郝溪等處時方太平民不設備猺忽

突犯遠近震隣武岡告警時霍邱張扶翼為黔令聞

報念猺鋒方張若乘機侵笑下羅翁一步則犯我供

洪鄉矣踰巖脚大隴等處則犯我安江子弟鄉矣再

四計念猺恃籌負阻不能遠出欲撫輯安定非先劫

以兵威制其鴟張螳怒之氣不可得而降其衆也乃得請于兵憲李公世鐸咨會沅鎮李公逢茂於五月初十日發兵領以千把二員十一日到縣十三日駐營安江十五日差役黃廷耀客民黃瑞龍等特諭上山招各猺頭來降不則且進兵猺知兵之來而不知多寡之數也十六日役回傳各猺頭語父母親來我不敢不下山投見顧大營駐安江我不敢往願齊赴大隴投誠大隴去安江八十里十七日張公單騎疾馳抵大隴未至木古界猺總風亞六先赴盧木溪投見

黔陽縣志

卷之

兵防

十四

龍標藏板

勞之詰朝各猺頭徇榮山丁亞種辰亞柳等俱來見稟受約束惟照面山梓木駝沈克各猺頭以其郎壻來刻木爲符誓不敢犯縣境十九日率兵還縣邊境以寧然而茹溪之怨事隸武岡武岡卒莫之解沈克諸猺仍未釋兵而武岡一意諉之黔屬以致分守下湖南守憲朱公廷案駁查至再乃於五月二十七日張公具稟湖南守憲猺人激變爲與武岡之茹溪糧猺有仇激而稱兵武岡委硤口司巡檢秦國楨城守韓委把總趙三奇等賚銀牌花紅入山招撫歸人負

固不服者以未得其情故也蓋服人者必服其心解
圖者必平其氣今武岡不審察獠人所以激變之故
由于郝溪之圯祖則無以服其心不禁郝溪之生事
而單令獠人釋兵則無以平其氣委巡檢招撫官卑不
足以鎮歷且與懦不前則又無以宣布其德意此武
岡之所以兩撫不成者皆由不得要領之故也乃武
岡不詳查獠人激變之由止聽道路之口謂黔獠越
界生事遽欲用兵以為委卸之地豈不冤哉夫羅翁
八面獠有數種俱屬無管生獠何據而名為黔陽獠
峒耶且身在地方而一有委罪之心則謀事之志先
已不專况欲解忿息爭而不明剖其曲直何以服悍
獠之心而令之投兵感泣乎且武岡欲撫郝溪之民
則欲滅此而朝食如此而欲其釋兵歸誠是猶欲止
沸而爨益其薪也必不可得之理矣不得則委之日
隔屬黔獠不肯聽撫是誰欺乎伏乞飭諭武岡務以
解仇平忿為招撫之先務但宜增兵設防扼其要害
萬不宜以數十百獠人之命連兵數郡為武岡一獠
庸報怨之舉則地方幸甚斯民幸甚具稟去後然彼

此申參文移查駁無虛日分兵駐防迄無寧土總緣
未悉徭人情形乃復于六月初六日張公具稟兵憲
李公看得徭人槃瓠氏之種類其性悍而直有無管
有管之別有管之徭如武岡之茆溪小坪隴里別爲
徭廂者是也其無管之徭於附近州縣界內佃田納
糧各認田主所管州縣但令輸納正糧免其雜徭如
白茅隴之徭附于武岡麻塘山之徭附於邵淑木古
界之徭附于本縣者是也有管無管氏族雖殊種類
則一撫之則來附激之則生變自古皆然如木古界

黔陽縣志

卷之二十

兵防

十六

龍標藏板

徭人風亞六耕佃本縣田糧止令完辦正賦免其雜
徭若親來赴納則賞以酒飯花紅所以各徭蠢動此
山一隅終不隨附有弟下山潛隨諸徭行劫風亞六
義殺其弟以示不叛所以前往撫諭未到大隴風亞
六卽出山五十里迎訴此其驗矣若附近州縣于各
處山徭撫綏有方自不爲變卽生變各查所以生
變之由爲之剖分曲直開誠招撫則變亦可定如釋
此而用兵其慮有二徭山無糧萬難坐而待斃恐激
而乘突此一說也又急則奔竄山箐溪峒之中兵難

久居撤之則猺將復來久駐則兵民兩敝此又一說也職雖病卧牀褥慮患不敢不深以爲太平一鄉去武岡之白茅隴邵淑之麻塘山各有七八十里太平阻險負固百姓悍勇畧與猺等職令安江司官前往督率防禦自足保固地方今大兵四集若得武淑各乘此機責令地主招撫附近各猺以散其勢剖其仇怨以服其心不過旬日其事可平不然亦不須多兵但于緊要地方設防仍責令地方嚴飭團保協力防禦自足以困之蓋本地土人性情技勇與猺相埒山

黔陽縣志

卷之二十

兵防

十七

龍標藏板

川險阻相習責以鄉自爲衛之義自足以制逆猺之命若張皇大師深入不毛與之角勝於谿峒山等之間職未知其可也具稟去後本月二十日武岡小坪民會合太平鄉民破猺白茅隴後寨而武岡營攻其前猺遂不支潰匿山谷兵去而仇怨如故城步麻塘又復告急矣張公深念剿之非計乃建議先撫近猺以援遠汎六月二十二日又復具稟兵憲麻塘山猺辰鎮以經進兵勢難中止麻塘山去本縣太平鄉七十餘里太平之民足以自守今准右營遊府高撥千

把二員領兵一百二十名前赴太平偵探防禦自可
無虞但恐辰鎮用兵必然咨會沅鎮以爲應援沅鎮
勢必移兵往應羅翁一帶必難兼顧今城步又在告
急武岡已成狼狽之刑勢必以勦撫之局委之本縣
職再四思維目前最急最穩一着莫如撫羅翁近徭
且省此一路官兵以爲溆浦城步應援之用羅翁徭
近而悍山勢險阻然幸與麻塘山白茅隴城步諸徭
道路隔絕不能互相犄角今見大兵進山方在皇皇
若不乘此機以定一方倘或辰鎮連兵不解城步又

來會師欲往援之既無舍已從人之事不往援之又
無坐觀成敗之理職深知此徭情形况此行崙爲解
釋郝溪之怨以丐徭人餘生徭人豈不樂從但恐大
營同去彼必生疑竄匿潜伏山大而箐深我兵進無
可攻又無退理徒爲結怨一番無益封疆大事且深
山大谷糧運爲艱職爲此寢食俱廢也今與右營高
議職于本月二十四日先到近山腹裏地方取集邊
民一面籌畫軍需一面差役上山宣諭以安其心右
營高隨後起行卑職在前大營在後徭人既不驚避

軍需亦可就理則撫事可成而右營遊擊高尚慮職
離營太遠誠爲持重老成之計但卑縣身有地方之
責萬不敢輕出貽誤致煩憲慮亦不敢畏首畏尾以
失事機仍于二十四日先赴洪鄉之茶陵地方去
猺山十里就迭籌畫以圖萬全蓋卑職之意不敢徼
倖貪功亦不敢辭難避過凡以爲寧謐邊疆之計期
絕武岡規避之口以上紆憲臺一願之憂耳若得此
山平其餘各猺俱可不勞餘力而下矣此所以爲口
前第一急着又第一穩着也等因具稟然李鎮臺猶

黔陽縣志

卷之二十一

兵防

十九

龍標藏板

以城步爲虞欲親將以脩緩急張公復于二十四日
具稟兵憲城步去縣隔遠猺人不能離巢遠出不足
爲虞羅翁猺悍而少又與諸猺隔絕撫之爲易武岡
張皇其辭視爲大難者不知猺人之情故也今卑職
尙心一意以辦羅翁之猺右營高撥把總劉大福帶
健丁四十名隨護卑職于本日先赴茶陵去猺山四
十里相機撫諭以釋茶溪之兵卑職身在行間則遠
近不驚事必可成右營高鎮重老成足以辦賊不敢
多煩憲心今聞鎮台親臨調度恐荒殘下邑難勝大

兵且去劇寇俱在數百里之外縣城守禦不虞單薄
白茅麻塘雖近太平其民勁悍有安江司率之足以
自守况有千把領兵一百二十名協同防禦自足遇
逆獠之衝城邊二處既不用添兵羅翁一隅右營高
之智之力又足以辦此可以不煩鎮台親行伏乞憲
台以意達之等因具稟蒙兵憲李勗止鎮台之行而乃
得寬然一意以辦賊矣因念武岡之釁不解則黔邑
之兵萬不容撤遂建武綏淑黔連界有司公同會撫
之議蒙鎮道各台深可其議而連界有司勢難即至

黔陽縣志

卷之二十

兵防

二十一

龍標藏板

又于二十八日具稟兵憲本月二十五日接奉憲諭
一道上見憲慮之周詳卑職敢不悉心籌畫以祈萬
全卑職深念此舉主兵者武岡也今茹溪之兵止百
總領兵二十名而本縣之兵且一營將領兵四百名
矣軍需旁午官民無計是本縣代武岡主兵也又起
釁者武岡也茹溪之民挖獠祖墳寔開邊釁今武岡
絕口不言但切責本縣爲之排解是又欲本縣代武
岡受過也卑職一奉憲檄即刻起程親臨邊汛聽候
武岡文武官弁到齊會撫是卑職凜遵憲命不遑啟

處也。猺人聞本縣臨汛，懼然釋兵，候撫軍機貴速爭。在眉睫之間，設武岡之官不至，或有來有不來，以致羣獠復生，疑畏潛匿山谷，勢必兵連不解。卑縣尺寸之地，又無一獠犯邊，乃坐受師行糧食之困。卑縣何辜，罹此大苦乎？伏乞俯念本縣地殘民稀，勢難久駐。大兵刻定期會，檄令武岡、綏淑各官星速前來一切。緩輯機宜，本縣悉心籌度，務求止忿息爭，保境救民。而止則了，此不過旬日。蓋卑職爲本縣地方起見，自不得不任勞怨也。既因各界有司未能刻期赴汛，張

黔陽縣志

卷之二十一

兵防

二十一

龍標藏板

公又恐坐失事機，復于七月初二日具稟兵憲奉憲嚴檄，連界各右司前往羅翁山下適中之地，設法招撫。此憲台救寧疆土之德意也。職遵到汛，已八日矣。而各處有司杳無一至。綏淑猶可，他諉武岡何說之辭，此必欲諉之卑職之身，以爲巧卸之地。明矣。然臣子之義，不辭難，不避險，職卽以身任之，亦無不可。但內有機宜，不可不詳悉稟明，以祈酌奪而行。蓋處盤錯危難之事，惟賴明與斷耳。明足以察事之機，則爭在眉睫之間，迅不及瞬，便當斷然行之以趨事機之

會則平大難決大機不過頃刻間事耳今一舉事而牽顧不已文官怯懦吳避不前武弁臨戎必嚴兵衛此牽彼掣事機已至而行不得果連雞既無俱飛之勢戴胄又非見鹵之儀兵衛既嚴獯心必生息獯苟竄匿則兵連不解夫區區之獯勝之不足爲武滅之不足爲功徒失

朝廷之恩信以下結百姓之怨如此則卑職萬不敢承此舉矣倘邀憲台之明斷尙以責之卑職俟武岡綏淑回文到日有無官來不必強以所難移會右營遊

黔陽縣志

卷之二十一

兵防

二十一

龍標藏板

擊高駐師熱坪去羅翁二十里而軍爲職聲勢委一老成干把止許量帶護衛數人卑職前抵羅翁山下設法招徠宣布恩威務釋荊溪之怨俾無後虞報命憲台時不可失伏乞迅賜批示以便遵行具稟去後緩寧以有城步之警不果來淑浦委官樓應鼎前來會撫中途告病止據武岡委吏目周國禎于七月初十日抵茶陵張公具報兵憲隨奉憲諭內云獯人愚頑而慄悍失信則易于啟釁恃信又恐爲所欺不可不事圖持重謀出萬全也今武岡印官未到該縣亦

選委能員前去公撫期于宣布恩威解紛排難萬勿
輕舉仍會商高遊府作何聲援以圖萬全等語張公
再四思維恐不親往則猺必疑畏隨于初十日具稟
兵憲看得解忿息爭之會兩造俱陳亦嘖有煩言之
會也俱令委官前往恐未合機宜之節此一慮也猺
性悍直不失期約無正官以臨之其心必疑此二慮
也卑職悉心籌畫務爲萬全之策使猺感德而畏威
有無可疑者四請畢陳之目今白茅隴猺新經破敗
此猺心胆已破其望撫也如赤子之望慈母一無可

黔陽縣志

卷之二十一

兵防

二十三

龍標藏板

疑也此行爲解蕲溪之怨猺聞多官齊來冀冤得自
豈敢有他心一無可疑也且木古界藍家峒各猺附
近羅翁者卑職前已撫之矣靛岡山梓木駝照面山
猺沈勝宇克紹宇等後至以未得親見卑職爲恨夫
當日之撫正在各猺猖獗之日職以身先之猺之後
至者且以未見卑職爲恨則今日儼然臨之猺雖悍
其輸誠樂附可知也又無可疑者三也而又劫之以
兵威右營高遊擊大師駐縣遠近皆知分令偏將梅
春魁王有功領兵一百二十名駐營熟坪去羅翁二

十里把總劉大福領兵一隊移駐栗坡界去熟坪五里以爲犄角職調太平鄉團保丁壯五百人分脩隘口整飭營陣連絡聲援以示威武蓋職身親在會兵衛雖嚴猶必不疑委來之官亦有恃而不恐如此始可鎮靜安閑以聽其訟而平其爭宣德布威猶必感畏上不失尊而下知畏法猶人心服輸誠必然不敢再變此又無可疑者四也倘職不親往彼此疑畏勢必草率以圖成天下之事從未有苟且率畧以徼倖成功者也伏乞憲台以疆場之事任之卑職不效則

黔陽縣志

卷之二十

兵防

二十四

龍標藏板

治卑職以踈玩之罪蓋職之籌此者至熟矣志曰知己知彼職誠有以深察其情矣慮事不得不周行事不得不斷要期于當而已矣稟上張公不待報可于七月十二日遂抵熟坪十三日抵羅翁山下十四日招出照面山獠頭克紹宇岡梓木駝獠頭沈勝宇木古界獠頭六高風藍家峒獠頭丁亞種等爲解茹溪之爭一齊感激釋兵懷德畏威誓不復反隨諭令回山復業塘報各衙門訖即于本日撤兵回熟坪十五日出抵茶陵十六日抵縣十八日宴凱旋將士十

九日本鎮憲撤兵回營邊境以寧自出師以及宴凱
往返凡七日而畢役師撤節淑所屬麻塘山峒各猺
恃衆倡逆抗拒官兵不聽招撫日益猖獗麻塘附近
淑之龍潭司與黔陽之太平鄉接壤張公慮切震隣
又奉本鎮分令將備領兵二百名駐營太平府憲鄢
公翼明諭張公代撫其衆張公以有司所守咫尺有
界不便出境而招隔屬之猺隨即具稟本兵憲李隨
奉憲諭內云招撫麻塘不佞深願但州縣責在守土
爲鄰封而出境恐非申明院臺不便輕動也其條析

黔陽縣志

卷之二十一

兵防

二十五

龍標藏板

猺人情形已達之鎮台矣張公深維麻塘各峒不平
則太平之兵萬無撤理乃令原隨入山招撫皂快黃
庭耀往諭羅翁木古界降猺老總六高峯等俾令行
諭麻塘山猺辰鎮坐營遊擊李亦差龍潭司書來會
撫因令降猺六高峯等捧諭往麻塘各峒宣布招徠
德意麻塘各猺俱各心悅歸誠于八月十三日招出
麻塘唐家山猺官唐少南猺總唐亞敬唐亞各劉家
山猺劉亞敬尖山猺總劉羅三劉亞三虎山界猺總
童老狗沈家山猺總沈亞狗劉亞貫沈亞三杉木坪

猺總沈亞九唐亞猺黔猪窠猺總楊明窠鄭亞各蒲
亞敬白馬山猺總唐和宇等一齊下山投誠麻塘悉
平蓋前此各猺倡逆其爲覆兵折將者數矣而羅翁
勾崖高嶺木古界等猺不煩一兵不折一矢悔罪投
誠因得用我新附之猺以招致麻塘各峒猖狂之衆
皆由公寔心任事既明且斷以成此救寧底定之功
然則禦猺之道亦云勿失古者羈縻之義而已矣余
以猺警震隣往復偵訪蒙張公示其始末如此因次
其事以爲之紀

陳五典曰余嘗讀三國史而至南人稱武侯曰丞相
天威也南人不復反矣至今千載下猶令人想其丰
采焉辰陽舊邊苗猺自古爲患銅柱紀勲而後世無
傳人今張黔陽扶翼以文弱吏撫定羣蠻余紀之以
告天下之人牧處反側子而不得其道者